

BAKURUBASANNI


(nimoro 12 songo)

Mali kono = Dorome 300

Afiriki kono = Dorome 600

Jamana were = Dorome 1000

Sétanburukalo san 2000



Kunnafonisében bota kalo o kalo. BP: 24 Telefoni : 21-21-04. Bozola Bamako-Mali. San 28nan boko 344nan A songo : dorome 15


Goférenaman ye san 1997, 2000, ani 2001 nafolokow sariyaw boloda

Jumadon, sétanburukalo tile 15, san 2000, laje kérénkérénne do senfe, min nemogoya tun be peresidan Alifa Umaru Konare bolo, n'a kéra Kuluba lajékéyöroba la, goférenaman ye sariya dōw boloda soro ni warikow minisiriso togola, san 1997, 2000, ani 2001 nafolokow kan.

Minisiriw ye sariya nebila min laben san 1997 nafoloko kan, o be tali ke sariya la mintun be san 1997 nafolow labaaracogo kofo; goférenaman ka naniya te dōwére ye, san 1997 nafolo baarali wolola fén minnu na, olu ka se ka kólosi, ka sidon bulonba fe cogo min na.

Min ye san 2000 nafolokoye, sariya labenna ko segin ka k'o nafoloko taabolo dōw kan, k'a sababu ke koori ni sanu songow nagasili ye, ani taji songo yélénni dijé seleke naani na. Nin kónew be jamana ka soro dögoya kosebe. O kofe, yéléma donna goférenaman fana sigicogo la san 2000 feburuyekalo la. A ka kan nafoloko ni goférenaman ka taamasen kura ka nognata. Ola, san 2000 nafoloko taabolo kuraw file : Soro siratige la, jigiw dalentun be wari hake min kan, n'o tun be ben sefawari miliyari 534.968 ma, ohake jiginna ka na sefawari miliyari 481.525 la. Sefawari miliyari 18 ni miliyari 231 bor'la. O b'a jira ko kemesarada la, hake kofolen binna ni 3 ni 76 ye.

Musakaw ta fan na, sefawari miliyari 534 ni miliyari 968 tun ka kan ka don musakaw dafe; a jirala ko do ka kan ka b'la, k'oben sefawari miliyari 522 ni miliyari 737 ma; hake min bora musakawla, obében sefawari miliyari



Nafolokow minisiri Bakari KONE

12 ni miliyari 231 ma. Kemesarada la fila ni 29 binna ka b'o la. Nafolodéséta be ben sefawari miliyari 42 ni miliyari 212 ma; o jate tun minéna ko ke sefawari miliyari 34 ni miliyari 606 ye, jamana ka nafoloko siratige la.

Sariya do fana labenna san 2001 nafolokow kan. O sariya be tali ke jamana ka feerew la, minnu tara goférenaman fe, soro k'or ni hadamadenya taabolow siratige la. Sariya in be tali ke an ka jamana lamini ni dijé seleke naani soro k'or la. San 2000 la, jamana lamini soro k'or lahalaya y'a jira ko koori ni sanu songow nagasira, olu minnu ye jamana ka nafamafenba fila ye, n'u be nafolo ladon jamana kono. Nin fen fila songow nagasili k'era sababu ye ka jamana ka soro sankorotali lasumaya, ka jamana bogé fegénya dijé seleke naani soro k'or nenaboli kene kan; hali n'o y'a soro senefenw nena kosebe jamana kono, ka wariko

fana basigi.

A jirala ko san 2001 soro k'or be segin kofe doonin k'a sababu ke koori soro k'or hake dogoyali ye. Jamana ka wari soro k'or be dogoya. San 2001 nafoloko labencogo file :

Soro siratige la, wari ladonta be ben sefawari miliyari 510 ni miliyari 524 ma. Do bora san 2000 nafolo ladonta la k'o ben sefawari miliyari 481 ni miliyari 525 ma. O b'a jira ko kemesarada la do farala wari ladonta kan ni 6 ni k'o ye.

Musakaw fan na wari hake min ka kan ka don musakaw dafe, o be ben sefawari miliyari 556 ni miliyari 990 ma; segin k'era san 2000 musakaw kan k'olu ben sefawari miliyari 522 ni miliyari 737 ma; o b'a jira ko kemesarada la, do farala san 2001 musakaw kanni 6 ani 55 ye. Asabatira ko musakaw fan girin donna kalanko, kenyako, ani hadamadenya sabatili baaraw dafe. Kemesarada la, san 2000 nafoloko taabolo la, 26 ni 10 donna kalanko dafe; san 2001 ta ye 26 ni 52 ye. Kenyako ta bora 9 ni 39 la (9,39%) k'o ke 9 ni 84 (9,84%) ye. San 2001 wari deséta jateminen k'a ke sefawari miliyari 46 ni miliyari 448 ye; san 2000 ta benna sefawari miliyari 41 ni miliyari 212 ma. O b'a jira ko kemesarada la, nafolo deséta cayara ni 12 ni 70 ye, (12,70%).

Ninsariya nebilaw labenni k'era sababu ye jamana nemogé k'a nini goférenaman fe, a ka jamana nafoloko nemini k'a sabati, ka soro sankorot, walisa netaa ni faantanya kéléli ka ke jamanadenw sago ye.

Badama Dukure

Diné geleýacogo kéra musocamanfuru mangoyakun ye Burukina kono

Mogo caman soro la Burukina jamana kono, musocamanfuru mangoyalen be minnu na, fu t'a fe k'a kuma men u tulo la. N'u nininkara, u be fen min fo, o ye ko diné geleýara musocamanfuru ma. U b'o geleýa donyoro n'a boyoro caya, k'o turu da warintanya kun, u b'a fo k'o min sababu ye baara sorobaliya ni demebagantanya ye. U b'a kuma tereme cogo bee la. Nk'a teremelikela cemanw t'a fu da la ko musocamanfuru man d'u ye. A musomanw de b'a fo k'a man d'u ye, ka nogo b'a la, k'a jeya. Kabini lawale la, musocamanfuru be senna farafinna bee kono. Hake tun te mogo togobolenw ka muso furulenw na. O mogow tun ye faamabaw, kabilabatigiw, nafolobatigiw, kelebolotigibaw ani donnikelabawaye. Olu detun be musofurufoka sekeme caman wali bi caman ma, walasa ka den caman sorocike wali baara werew kama. Silameya diine nana k'a soro nin cogo la, o de ye musofurutaw hake ke 4 ye.

Nka, diine y'a jira ko ce min te se hali muso fila koro, o tigi ka dan kelen ma. O de be na ni musow musakakow nenaboli y'a cogo la, k'a kelen kelen bee bilayoro n'a musakaw dantige, k'u damakene, sanko do kana fisaya ni do ye. O de y'a ko geleýayoro ye. O de ye fognonko ni balawu wuliyoro ye, ka masoró ce do to sariya labato, k'o sababu k'u tilenbaliya y'u musow ni nogo ce. Nin bee la, fen min be cew bila musocamanfuru la, ka soro b'a don k'a musaka ka ca, o ye ko ni Ala yemogo minnu dahirim en umusakaw dulon dutigi min na, o Ala kelen t'o tigilabilta. A be fen d'a ma, min b'a s'aka

denbaya koro. Silamew ka faamuyali la, musokelenko ni musocamanko sirilen te fenko la. Fen be Ala de bolo, a te mogo bolo. Ala de be muwo di, ka den di, ka fen di. Ocogola, niceganna min y'a jija ka musofuruwari soro, hali n'a te baara la, a be muso furu, k'a to to Ala ma. Ni musokelentigi fana ye soro ke, a be filanan ta, k'a to to Ala ma. Ni soro bugunna, a be sabanan ta ko fana to to Ala ma. A b'a k'o cogo la, fo ka naani dafa, ka soro k'a bee to to Ala ma. Musocamantigiw b'u musow kelenkelen furu, u t'u bakuruba furu. Dow be san caman ke ka soro ma do fara do kan. N'i ye tali ke olu ka musocamantigiya kan, ka soro i t'a nedon, i fili. Denko ciyentako, banabagatoko ani ko werew be se k'a wajibiya do ma. Olu b'a k'a diya n'a goya la. Dow b'a ke kun werew la, minnu n'a wajibiiali ka jan nogo na. O b'a jira ko musocamanfuru be ke kun minnu na, olu ka ca. U te se ka sanga nogo ma. U bee n'u temesira don. A b'o cogo min na kabini lawale la fo sisan, fen de be se k'o lagosi fo k'a mangoya nka fen te se k'a bali farafin jamanaw bee kono nogo ne. Tubabuw nana mara la, k'u tile ke, min kuntaala janyara ni san 100 ye, k'u kosegin ka taa, ka soro m'u sen bila musocamanfuruko fan si la farafinna yoro caman na. Olu y'a faamuya k'a kera laada koroba ye, geleýa yere te se ka min bali ka meen senna.

A be mogo dow nena ko musocamanfuru geleýa sababu ye fen minnu ntanya ye, o ye baarako, wariko, sisoko, baloko, finiko ani magonefenko ye. Dow ko benbaliya ani juguya minnu be sigi geleýa. Nin

kow te se ka k'a geleýakunw ye, ka d'a kan, o fentanyl n'o benbaliyaw an'o juguyaw be musokelentigi dow kan. Misaliko la, ce musocamantigi dow te baara la, nka olu musow bennen be, fu be denbaya baloli bo nogo koro walasa k'u ce sutura. O temenen ko, ce dow n'u muso kelen be desse ka ben, f'o be ke hogon juguya ani don o don k'e ye, minnu dow laban ye furusa ye. Nin bee b'a jira ko musocamanko geleýa te nin kow si ye. A geleýa ye fen minnu ye, o ye do fisayali ye ni do ye ani keleya. Fura be fisayali la, n'o ye tilennenya ye nka fura te keleya la. Muso be furuliko caman fe ni sinaya ye hali n'a togo be tine, k'a te basigi furu la, k'a donna ka bo furu caman na.

Muso be furu geleýa suguya bee kun ni sinaya ye.

N'i ye musocamanko kuma donyoro n'a boyoro cayalen yoro o yoro, k'a fo k'a juguya, k'a lagosi, k'a mangoya, i k'a be cogo min na sisan Burukina jamana kono, kana nininkali ke, a kuma folola ka bo muso kunda ka soro ka se ce kunda. Hali ni cew sen b'a la, olu bee haminanko te. Musow bee de haminanko don, npogotigi fara musoganan animusofurulenkan. Olu de be keleya. Olu de be siran sinaya ne, min b'u tooro, k'u bali diné fen bee la. A kuma surukubagaw ye muso kalannenw de ye. Dow be baara la foroba kunda wali kenyereye kunda. Olu de jolen be n'a ko ye muso tow togola, n'o ye kalanbaliye, togodaw ni dugubaw kono. O muso caman ye jagokelaw, bololabaarakelaw wali gadonnaw ye. Sinaya jore kama, npogotigiw nimusogananwka Aladeli ye ce soro li de ye, min k'a be dan

muso kelen dɔrɔn ma. U bɛ mɛen o ninini de la, f'u si bɛ kɔrɔbaya, k'furutuma tɛmɛ u kan. O y'olu sendonkun y'a ko la. Minnu kelen b'u cew bolo, olu ka Aladeliye fɛn min ye, o ye dɔ kana furu ka far'u kan. O min ka gelen olu ma, o de y'olu fana sendonkun y'a la. Minnu bɛ sinamusoya bolo kan, olu ka Aladeli y'u kelen dɔrɔn toli ye ce bolo. O kama, n'u sinamuso ye kelen ye wali n'a ka ca, u bɛ ko bɛe ke, k'olu mangoya sanko ce k'u bila. Olu de b'a dab'a kama ka sigi geleya, k'oturu da musocamanko kun, ka soro sinaya mageléya ni keleya mafiyenya don. Olu de bɛ dabalijugu ke ka ce ni muso tɔw kodon nɔgɔn ma. O siratige la, utaalan ye nasijiw, furamuguwani fen wɛrew dabalilenwye, minnu dɔbɛ ke dumunifɛnw, minnijiw, kolijiw ani sokɔnɔnaw la. Walasa ka ce lajarabi, k'o miiri bɔ muso tow kan, ni tobili da ser'u ma, o ye kɔrɔmatigeli, yerejira ani bɛseya dabolen ye, fo bɛe k'a don, k'olu de bɛ si ce ka so kɔnɔ. O la, ni tobili banna sufɛ, u b'u laben konuman, ka baya siri pendelu kɔrɔ, kakasadiyalanwke, ka wusulan suma duman wuli cɛso kɔnɔ, fo ce bɛ kɔrɔtɔ datuma ka se. Nin ko minnu bɛe be sinaya la, o de y'a goya musow ye, ka masor'u bɛe be keleya nɔgɔn na, hali minnu te ce kelen kun.

Nka bolofa bɛ dɔw ta kan. O muso masina minnu bɛ keleya kojugu, n'olu ye ce n'u sinamuso fen o fen gɛrelen ye nɔgɔn na cogo dɔ la, o be digi u la, u t'a jini k'a jɛdɔn, u be donkabo ni kelen kuma damine. Utɛ sigitugun, u te da tugun, kuma te sunɔgɔ ma. U sɔn te sumaya fo ni kele kera. Ni minnu miirila ce n'u sinamuso fen o fen dalen na dilan kan, cɛso kɔnɔ, olu dusu be tʃe, u fari be faga, u te se ka

fosi k'u yere ye. U bɛ kuma kelen min sɔrɔ k'a fo, o ye k'a furukolon nege t'u la tugun. Ucaman ka boli, furusa wali kele bɛe sababu ye miirijugu de ye, min kɔson u te k'u sinamusow fe. O cogo la, u cekow bɛ geleya, u te je ka fosi ke nɔgɔnfɛ, u te kuma nɔgɔnfɛ, u te nɔgɔn fo, u te maga nɔgɔn ka fɛn na. U yerew te bɛn, u b'u denw bila nɔgɔn na. Olu fana laban te bɛn. Olu ka kele caman bɛ yelema ka ke mogokɔrobaw ka kelew ye. O bɛe bɛ do fara sigi geleya kan. Nin bɛe temenén kɔ, mogɔ minnu ni dalen bɛ musocamanfurudabilalikan Burukina jamana kɔnɔ, olu y'a jira ko ni muso caman bɛ ce min bolo, olu kisi ka gelen banajugu yelemtaw ma, sida bɛ minnu na. U ko ce bɛ se ka bo ni bana ye kɛnɛma k'a bila bɛe la, muso dɔ bɛ se k'a ke.

Kumalasurunya la, u ko dijɛ geleyaliko ani banaw bilaliko nɔgɔn na, olu bɛ se ka k'a dabilakun ye Burukina ni Benenani Togo jamanaw kɔnɔ, ka d'a kan, a bɛ ke ka caya o jamana saba de kɔnɔ n'a tɔw bɛe ye farafinna. Musocamanfuru kuma cayara cogo o cogo, a ma se ka dabilo Burukina jamana kɔnɔ. Sariya min tara hadamadenyakow bolodali kama san 1990 la, o y'a jira ko mogɔ te mogɔbalika musocamanfuru, nka ko furu te siri mɛri la tugun ni musocamanko b'a la, ko furuseben bɛ dilan ce kelen ni muso kelen dɔrɔn de togo la, a to bɛ ce n'a ka muso furutaw ni nɔgɔn ce. O kɔrɔ ye ko ni furumuso cayara ce bolo cogo o cogo, sariya bɛ kelen dɔrɔn de dɔn. O cogo la, ni furujoona ka di muso min ye wali ni furu geleýara min ma, olu bɛ kɔrɔtɔ ka furu ce musocamantigɔ dɔw ma, ka d'a kan furusebenko t'olu ka sira ye. n'olu ka morifurusiri kera, o b'u bo.

Olu ko furuke, u m'a fo ko furuseben. A sariya kera sababu ye tugun ka yelema don muso minnu ka cogoya la, oyemusowyɛ, sinaya hamijuguw, a miirijuguw, a jigilatigekow, a kelew n'a nɔgɔnjuguyaw bɛe ye sigi geleya minnu bolo, k'u senbɔ ko bɛe la, fo ka dugu bilaliko jigin u kɔnɔ. Olu dɔw y'u ni da furusa kan cogo bɛe la, fo k'a latigɛ, walasa ka taa musokelenfurula dɔ jini. O cogo la, dɔw ka furu sara, k'ucɛwmagot'ula, k'uka kowbɛe y'u yere de ye, ka soro fen bɛe bɛ ka ke muso tɔw ye. Dɔw ta ye k'u te se ka to denbaya baloli n'a musakaw bɛe boli la ce nɔ na, min ye sungurutigela, dolɔminna wali sobonna ye. Dɔw ta ye k'u mangoyara f'u cew n'u sinamusow k'u ne te da u denw n'u balimaw kan. Muso kelen bɛ nin musow la, min tun kera Bobo Julaso marabolo despite ye. Ale ka furu min sara, a yesan 15 de k'ola. Afurusara den minnu mangoya kɔson, olu tun y'a cefolɔ faatulen denw de ye. A cefilan y'a n'o denw de ta, k'u far'a ka denbaya tɔw kan, ka tila ka nimisa, san 15 sɔrɔlɛn kɔ sigi la, k'ale te se k'a si bɛe ke walidenw ladonni na. Furuhake minnu sara nin kow n'u nɔgɔnnaw kɔson, o ka ca dantigeli ma. Amuso furusalenw bɛe jigi dalen bɛ ce minnu kan, o ye musokelenfurulaw ye. Muso tɔnɔlɛn minnu m'u yere bila nin furusakow taanikaseginw na, olu limaniyara k'ufi, ka Ala minɛ, ko nɛgan ker'udakan ye. Furuko bɛ nin bolo min kan sisani Burukina jamana kɔnɔ, o ye wulibali ye, ka d'a kan, kecogo wɛre fosi'la. A sariya sigili min ye san 10 soro ka soro mankan ma b'a la, o b'a jira k'a benna mogow ma.

Heleni Peroni
ani Amadu GANI Kante

Keneyakow sabaticogo diñe jamanaw kono

Dixe jamana hörönyalenw ka tōnba, n'o ye «ONU» ye, o bolofara min nesinnen be keneyakow ma, n'a be wele ko «OMS», o nemogoso ka jatemineseben min bora san 2000 zuwenkalo tile 21 don, o be kuma fen min kan, o ye jamanaw sebe doncogo ye keneyakow sabatili ma n'o ye wale kelenw ye, fanga tigilamogow fe, ka jamanaw kōnomogow bee bo banaw bolo, walasa balan ka na don yiriwalikow la. A siñe föde ye nin ye «OMS» ka seben bo, min be diñe jamanaw joyorow dantige keneyakow waleyalila. Jamana 191 minnu faralen be nogon kan «OMS» jekulu kono, olu dōw kelen be ka nogon dan cogo min na nin kow latemenni ha, o dantigera fo ka se nafolokow, baarakelakow ani furakeliyörökow n'olu minenkow ma. Dantigeli bora kow sabaticogo kan dugubaw ni togodaw kono, ka yoro bee lasorocogo jira banaw kumbenni n'u keleli ani sigidaw lakannali kama. Nin wale minnu kera jamanaw yiriwakun wali u desekun ani jamanadenw lafiyakun wali u segenkun ye, olu fana dantigera. Misaliko la, a be se ka fo ko ni jamanawa fila ye nogon soro keneyakow dantigeli kene kan, jate be mine fen damadaw de kan, k'a jira k'u be nogon ne, wali ko do ye do dan. O fen do ye foroba nafolo hake cayali ye, n'o ye nafolo ye fangaso be min di keneyakow minisiriso ma san o san, k'a kow boloda ani k'u waleya jamanaw bee kono. A do ye baarakelaw hake cayali ye, n'o ye mogow ye, minnu faamuyalen be bana suguya bee furakeli la. A do ye dogotorosow n'u nogonna keneyasow an'olu kōnominenw cayali ye, fo ka se fura suguya bee soroli ma, yoro bee la, jamanaw kono. A do ye banabagatow lajelisaraw, u ladalisaraw, u furakelisaraw ani furaw bee songow nogoyalikoye, walasa banaw kana faantanw töro, fo ka se saya ma, k'o sababu ke bolodese wali boloban ye, n'o ye warintanya ye. Bololankolonw ni jigtianw be yoro o yoro diñe kono, n'o ye desebagatow ye, olu tu yere

segan ka taa dogotoroso la, hali n'u degunned don, ka masor'u b'a don k'utelaje, kumate k'ufurake gansan. Banaw b'olu dama minnu faga ka soro ka mogow yere ma se ka fen k'u ye, o de ka ca. Ado ye feere tigelenw ye jantonyerela ni banakunben siratige la, walasa ka do bo bana dow ka kasaara la, n'olu ka tijeni barika ka bon, a ka teli, a ka ca. O b'i n'a fo denmisenniw ka banaw, n'onibana ni senfagabana be minnu cema, musow ka banaw, musokel'e be minnu cema, sogosogoninje, sumayabana, sidabana ani cew ni musow be banajuguminnu bila nogon na n'u jera, fo ka se banaw ma, ji nogolenw be minnu bila mogow la, ni marabana b'olu cema, n'o laban be mogow nc fiyen, k'u sen bo kow bee la. Ado ye banabagatow hake cayali ye, min b'a jira ko keneyakow ma sabati cogo si la. Ni banabagatow cayara, jamanaw ka soro be dogoya, k'o sababu ke banaw kecogo ye ka soro klaw dese ka wuli, kuma te ka taa baarayorow la. Nin wale minnu ye jamanaw do bo nogola, k'u yiriwa, ka dōw coron, k'u lanogo ka t'a fe, ka here ke dōw kōnomogow ye, k'u nesuma, ka dōw negan, k'u ta ke segen banbali ye, olu bee dantigera. O temenen k'o, fiyentow, nanbaraninw, kunatow, dusukundimitow, bijedimitow, sogosogoninjetow, furudimitow, jolicayabagatow, sumayatow, sidatow, foka se dörögutalaw, faatow, garibuw, sungurunbaw, sojenikelaw, binkannikelaw ani mogofagalaw bee cayakun ma ofana dantigera «OMS» ka keneyakow jatemineseben kono. A jirala koni jamanaw nemogow, n'o ye fangatigilamogow ye, olu ma cogoya soro nin hadamadenyako gelenwna, k'u bila bolo nенамакан, n'o ye feerew tigeli ye, walasa do kana far'u hake kan, ka tila k'u don da la, keneyakow te sabati. O cogo la, keneyakow te sabati ni fangatigilamogow m'u musakaw jate mine, k'a wari bo foroba kesu kono wali k'a jini kokandeme siratige la,

k'a bee don wale dantigelenw na, nanbara kana ke, ka do b'a wari la, k'o ke fen were ye, wali k'o dun. A kow te sabati, ka soro jamanaw keneyakow minisiriso dōw kelen be ka banabagatow fisaya ni nogon ye, n'o ye danfara donni ye banabagatow furakelicogo la, ka jore ni dōw ye k'olu ladonko ne ni dōw ye, ka girin dōw kan, ka dōw dennen to kerefe. O misali ye dogotorow sebe doncogo ye foroba kunda banabagatow furakeli ma, n'o ye seriusidaw banabagatow ye, ka teme kenyereye kunda banabagatow kan, n'o ye izinibaarakelaw, bololabaarakelaw n'a tow bee ye. A kow te sabati ka soro dogotoro minnu be baara la foroba dogotorosow ni keneyasow la, olu caman togola dogotorosow b'u bolo. Olu be wari min soro baara la, tile kelen kono, n'o ka ca n'u ka kalosaraw ye, o de y'u mago bokun ye foroba kunda banabagatow la. A kow te sabati ka soro keneyatigilamogow be surfenmine la, wali ka banabagatow ka furaw nonabila, k'u feere, k'a wari k'u mago ye. Akow te sabati ka soro boloñkonona furafeerelaw be ka yaala, ka fura ladegeleñ suguya bee feere, minnu te mago ne dōw ye, n'u be dōw ka banaw juguya ka t'a fe, ni mogow be girin k'u san, k'o sababu k'u songo nogoyalikoye jugunikodonbaliye. Akow te sabati ka soro sigidaw lakanaliko, kungow nенамаялико ani jiw saniyaliko nafaw ma nefo mogow ye tuma bee, k'a dusu don u kono, k'u bilasira uyere tangaliko n'u lafiyaliko la. A kow te sabati ni faamaw m'u janto faantanw na, k'u hine mine, k'ugasisigi, k'uka furakeli wariko jate mine, k'a ben u ka sorow ma, k'a jir'u la, ko fasoden ma fisa ni fasoden ye, k'okama, uka kanka fura ke, walasa bee ka keneyya, ka se ka faso yiriwali baara k'a kecogo numana. Nin kow nefolen k'o, ka ben kan, diñe jamanaw kelen-kelen bee ka wale kelenw dantigera, k'ujate mine, walasa k'a don, min y'a seko ke ka teme min kan, min ye min dan. O jatamine min laban kera jamanaw latomoni ye, k'u sigisigi nogon k'o, o baaraw jaabi bora

ni fən min ye, o ye ko Faransi jamana de ye dijəe jamanaw bəe dan kəneyakow sabatili la. O kɔrɔ ye ko fiñe ma y'a kow bolodali n'u waleyali la yɔrɔ si Faransi jamana kono, ko hali ni furakeliyɔrɔw tə kelen ye, furakelicogo yekelen ye, fura tə fisaya banabagato ma ko wari t'a bolo, ni banabagato ye wari min don fura la, n'a kəneyara, a ka wari bə segin a ma, maakɔrobaw ni lujuratow bəe bə ladon gansan u danmayɔrɔ la. A bə se ka fo ko hadamadenyakow la, Faransi jamana ye kəneyakow bila joyɔrɔ min na, o ka bon ni jamana təw bəe ta ye. Jamana minnu dalen bə Faransi kan, o ye Itali, Sen Marən, Andɔri, Maliti, Sengapuru, Espani, Oman, Otirisi ani Zapon ye. jamana tɔgɔ bolenw na, Angileteri bilala sigiyɔrɔ 18 nan na, ka Ameriki bila sigiyɔrɔ 37nanna. Ajirala ko Angileteri bə foroba nafolo min don yiriwalikow la san kono, n'i y'o dɔrɔmə 20 kelen o kelen ta i b'a soro dɔrɔmə kelen ni tama dɔron de bə don kəneyakow la, n'o ye 6% ye. Fen min ye Ameriki ye, a jirala k'o jamana bə foroba nafolo min don kəneyakow la san kono, o ka ca ni dijəe jamana təw bəe ta ye cogo o cogo, a kɔne ma sira soro, a ma sabati yɔrɔ si la Ameriki jamana kono. A jirala ko fangaso ye wari bə ka dakabana dɔgɔtɔrɔsow jo, ka minen nənama suguya bəe k'u kono, ka dɔgɔtɔrɔ faamuyalenw bila yɔrɔ bəe, nka, Ameriken minnu magokise kelen te se foroba dɔgɔtɔrɔsow ma, o de ka ca. O sababu ye nafolotigya de ye, min y'u yere fisayakun ye foroba furakeliyɔrɔw ma, n'a bə wele ko yaada. O min ye Amerikenw cogoya ye, o de y'u k'u danma mogow ye. U tə hine nɔgɔn na, u tə hine mogo wərew la. U tə fosi don ni warite. Wari b'u bəe bolo. U ka fen tə nənabo forobayɔrɔ la. O kama u b'u yere fura ke. O furakelicogo min tə «OMS» sagona furakelicogo ye, o de ye Ameriki bila fo sigiyɔrɔ 37 nan na. A nɔgɔndan ye Eropu jamana təw ni Larabu jamanaw boloda cogo min na, o dantigekunte, ka masor'okajan kojugu, nafa t'a dantigeli la. O jamanaw sigiyɔrɔko bolodara cogo o cogo, a kelen kelen bəe yedesebagato

jamanaw dan ni farancejan ye, n'o ye Azi, Afiriki, Karayibu ani Pasifikasi jamanaw ye. Afiriki jamanaw de fana bə desebagato jamanaw bəe kofe. Olu bəe bilala minen kelen kono, n'o ye geleya minen ye, min kelen bə k'u dese ka nəsoro, ka minəbolo soro wali ka feere soro kəneyakow latemenniko numan na. A geleya də ye wariko ye. Banaw ka tjeneniw barika bonyara, k'u caya, fo k'u kələli bolodacogo ke kənəgankoye. O bora ni furakelikow donyɔrɔ n'u bɔyɔrɔ cayali ye, fo k'a ke yeresagoke, tɔgɔnini ani jagokun ye. Ni kow latemennko ma ne, baasi minnu bə b'o la, olu ka ca.

O baasi də ye hadamaden balili ye ka si caman soro, n'o ye sidogoya ye. Kongo faralen səgen ni bana kan, n'o ma də bə hadamaden si la, o tə fosi far'a kan. A də ye hadamaden bololafew bəe banni ye, n'o ye bololankolonya wali faantanya ye. Ni furakeli kunta ala janyara, banabagatow n'u somogow bololawari bəe bə ban, u bə fenw bəe feere ka ban, fo k'u dese k'u yere balo. Mogo minnu səgenne bə nin cogo la dijəe

kono, də de bə ka fara olu kan, ka t'a fe, fen tə ka b'u la. A baasi də ye fiñe bilali ye hadamadenw ka soro kow la, k'olu dɔgɔya wali k'u dabila. Ni banabagatow cayara baarakelaw wali denmisennamogow la, ce kunda ani muso kunda, soro tə k'a cogola tugun, ka masoro baara tə ke ka baarakelaw dalen to bana la. Nin baasi minnu ye sidogoya ni faantanya ani soro cogoya ye, olu saba tə nɔgɔn soro jamana si kono n'o ma səgen suguya bəe y'a ne la.

Baasi wəre min ye sidabana juguyalikoye, ajirala k'o cayalikoson, den minnu bə wolo san 2000 kono la, Afiriki jamanaw kono, olu caman si tə teme san 40 kan, n'a bana m'u faga. Nin bəe la, fən min bə faamuya, o ye ko taalen nefe, ni sidabana kasaaratow farala bana wərew kasaaratowkan, ka sayacaya kojugu, jamana tə soro dijəe kono, mintə nimisa kəneyakow sabatilibaliya la. A kera cogo o cogo, a jirala k'a kasaara bə yoro bəe la, nk'a barika ka bon yoro dəw la, ka teme dəw kan.

«OMS» Amadu GANI Kante

Utikalo sanjiko lahalaya


Sanjiko kera sababu ye ka nəema lase jamana fan bəe lajelen na, utikalo la. Waati siratige la, danfarabaw donna sanji hakew ni nɔgɔn ce. Nk'o na taa bəe sanji tilacogo nəna, a nayorow n'a nawaatiwla. Akolosira ko utikalotile tan folɔ la, sanji nana hakew la yoro dəw la, k'a dese yɔrɔ dəw iana na, nk'a tilacogo nəna nayorow ni nawaatiwla.

Utikalo tile tan filanan ni sabanan na, sanjiko gelcyara yɔrɔ cɔw la, fo k'a ke gelcyaba ye, i n'a fo Kidali, Tesaliti, Gawo, Tumulu, San, Segu, Katibugu, Bamako dugukənəna, Bamako-Senu, Sofiba, Kayi, Yelimane, Ntarala, Kita, Kucala ani Sikaso yorow la. Fan təw la sanji nana hakew la, fo k'a ke dantemə ye yɔrɔ dəw la. Utikalo la, sanjiko gelcyara kosebe Kidali, Gawo, Nara,

Honbori, Tumulu, Segu, Tesaliti, San, Katibugu, Kucala, NTarala, Bamako dugu kənəna, Sofiba, ani Sikaso. Niman utikalo sanji dɔgɔyara kate me san 1999 utikalota kan, yoro caman na. Utikalo sanjikodese kera sababu ye ka senko lasumaya cikcyɔrɔ caman na. Sanji ni sene taabolow jatemine law y'a jira ko sumanwniforow cogoyaw ka ni yɔrɔ caman na. Jatemine law y'a jira ko sanjiko bə k'e setanburukalo t'iə tan folɔ la. Ko k'a ta setanburukalo tile folɔ la, ka t'a bil'a tile tan na, sanji bə na hakew la, fo k'a ke dantemə ye Sikaso ani Kayi, Kulukoro, Segu, ni Moti filebinyanfan fe. Sanji ka kanka na ka caya kosebe Kidali, Gawo, Tumulu, ani Kayi, Kulukoro, Segu ni Moti kɔrɔnyanfan fe, o waati kelen na, n'o ye setanburukalo tile tan folɔ ye, nk'a bəc cuncun o yɔrɔw la.

Fangaseginso kera dabalibanko ye Diyo-gari kono

Diyo-gari komini ye Kati kubeda kominiw na dögomaninw do ye, nk'a komini yiriwa ka di ka d'a konoñew nafa kan. Dugu wolonwula de b'a komini kono : Diyo-gari,



Dirisa Bakari Jara

Diyoba, Mañanbugu, Sotoli, Ditemu, Kalanzan, ani Komikomi.

Fencaman bësorô Diyo-gari komini kono, minnu bë se ka ke sababu ye ka komini yiriwa. Sugu belebeleba kelen b'a kono min dögodon ye sibiri ye. Siraba min bë bô Kati ka taa Kita, o b'a ceci; hegésira min fana bë bô Bamako ka taa Senegali, o bë teme a fe. Dögotorôso kelen ni musojiginso kelen bë yen. Kalanso bë dugu naani kono.

Diyo-gari komini bë dakunjumenn na sisan ? Géleya belebeleba do bë komini in kono, n'o ye bënbaliya ye. Bë misikaarajarati t'a kono. A bë se ka fo ko faamubaliya de y'a to juguya. Kow bës lanogoli daminëna kabini konseyew sugandili kalafiliw senfe.

Konseyew togow bë sëben sëben min kan, k'a ladon, «ADEMA» togola sëben fila ladonna. Sëben filanan min ladonna «ADEMA» tògo la, o sariya tun ma dafa, wa o laseginna «ADEMA» sekisôr fe Kati. O kelen, o jekulu yaalala ka se komini dugu kelen-kelen bë la, k'a jira ko kalafili min bë na, k'o t'an ka komini ka kalafili ye. Olu tun y'a jira ko mögo si kana kalafili ke. Okoson Diyo-gari komini jama ma bô kalafili la. Duguw sôrôla yen, hali mögo kelen ma kalafili ke yen. Dugu minnu bora kosebe, olu kera Diyo-gari ni Diyoba ye, ka fara Sotoli kan.

Kalafiliw jaabiw bôlén, «BDIA» ye konseye duuru sôrô. «ADEMA» ye naani sôrô; «C.D.S.» ye fila sôrô. Haa ! Méri n'a dankanw sugandili kalafiliw kera baara ye ! «ADEMA» ni «CDS» tun benn'a kan k'u b'u bolo di nogon ma, walasa u ka merisorô; nka, o ko ma bën sen ma, sabu kalafiliw don, «ADEMA» konseye kelen, ani «CDS» konseye kelen ma se ka ye kalafiliw kene kan. Banbaganci minnu bë komini kono n'u tun yaalala ka se duguw ma ko mögo kana bô kalafiliw la, olu ye

konseye fila ninnu bagabaga, k'u te se ka na kalafiliw la. O kelen «ADEMA» ni «CDS» faralen nogon kan, a to tora konseyenaaniye. Méri sugandili kalafiliw la, konseye minnu yera kene kan, olu kera konoñton ye: «BDIA», duuru; «ADEMA» ni «CDS», naani. O kera sababu ye «BDIA» ka sara bëe ce; méri n'a dankanfila, ka fara komini ka konseye fila kan, minnu bë cidenya la Kati kubeda la; «BDIA» y'olu bëe sôrô.

K'a t'o don na fo ka se bi ma méri ma se ka komini duguw fara nogon kan ka nogonye kelen ke; a ma se ka yaala ka se duutigiw ma. Konseye fila ninnu fana te ye konseyew ka nogonye si kene kan. Baara caman ma se ka damine folo, i n'a fosaalemineli sugula, ani wusuruw; kuma te nisongo ma.

Min ye kabako ye mögo camana bolo, dugu wolonwula la, dugu woôrø bannen don méri n'a dankan ni konseye tow la. Tijé na, mögo minnu ma son ka taa kalafiliw kene kan, olu ka ca kosebe ka teme tow kan.

Méri bë wolosebenw ni furusebenw ni sayasébenw dilan; nka mögo caman te se méri ma sebenko la. Min ye géleya to juguya, méri n'a dankan saba, ani konseye fila kubeda la, ninnu bëe bora Diyo-gari dugu kono. Diyo-gari komini duguw bëe la, Diyoba de jama ka ca ka teme dugu bëe kan. Olu kelen don k'u sen da méri n'a ka konseyew ka baara caman kan. kabini kominko ma damine, Diyo-gari «susekiteri» «tun ye so do jo baaraw ni nogonyew kama, i n'a fo wolosebenw dilanni n'u nogonnaw. Méri sigira tuma min na, u ye baara damine so in kono, fo ka waati jan yere ke yen. Nka don dô, jamaba dô taara firi méri kan, k'a ka so konnegé d'u ma; u ye da sogo ka konnegé bil'u kun.

Okelen méri n'a ka mögoyelemara méri yere ka so do kono.

Diyo-gari komini méri n'a dankan ni konseyew bë ka baara ke géleyaba kono. Fosi ma se ka sigi sen kan; hali mögo te s'u ma wolosebendilan na. San duuru folo ninnu bë ke géleyaba la Diyo-gari komini kono. N'a y'a sôrô komini konoñogow tun bë se ka bën, komini tun bë yiriwa joona; lafiya tun bë na.

Dirisa Bakari Jara
Balikukalankaramogô
Diyo-Buwatubugu - Kati

Situlubo kér'anw bolo géleyaba ye

An bë waati min na sisan, musow ka baara dôw file. A folo ye tobili ye, ka taa dumuni di ciklaw ma foro la. Anw fêyan, cewnimusow te je forola. Musow cesirilen don uyerew ka forow la, in'a fôti gafow, ganforow, ani nogoyorow n'u nogonnaw. Jinan, géleyaba dô bë musow kan situluko la. Mögo caman tun y'a fo ko kolosimansinko kera sababuye ka musow lafiya. Nk'a ko bë jini ka ke baara fu ye musow bolo. Mansintigiw ye dô fara kolosiwari kan; olu ka fo la, ko dô farala fénw songow kan, i n'a fo gazuwali ni mansinminenw.

Musow bë taa kôlô si géleyaba la, ka sôrô ka su kuuru bëe ke tulubaara la; o bëe la tulu te songo sôrô, w'a te san ka ban. Anw ka sugu bë Diyo-gari la; a sugudon ye sibiri ye. Tulu bë bô sugu in na kosebe; julaw te wari k'a la. Bi, bi in na togodaw la, musow sëgenna kojugu. Tijé yere la, musow te nafa fosi sôr'uka sikolotomôna.

Fatumata Jara
Animatirisi
Diyo-Buwatubugu - Kati

Kanko nafa te se ka fo k'a ban

Ne bë wele bila ka taa jamana némogow ma, u k'u jija k'anw faantanw deme; o deme te dôwre ye, u k'an deme k'an ka kanw yiriwa, k'u sabati jamana kono; kerenkerennya la an ka kunnafondisseben min bë bô bamanankan na, n'o ye «kibaru» ye. Némogow b'a don ko jamana te se ka jo, k'a yiriwa, k'a sabati ni kan wëre ye, ka teme jamanadenw ka kanfota kan. Némogow ka kan ka balikukan ni kibaru deme.

Larabuw bë baara ke n'u ka kan ye. Jamana yiriwalenw bëe lajelen bë baara ke n'uka kanwye. Malibé jate jamanaw fe minnu ka mögo kalannenw ka dôgo kosebe; ka sôrô jamana minnu b'a ne, olu bëe lajelen bë kalan ke u ka kanw na. Otuma, n'an b'a fe ka taa ne, ka kunjamana tow la, an ka kalan k'an ka kanw na.

Siyaka Sidibe
Sokorôji Bamako.

«P.D.A.M.» ye kalanba do ke Jijeni



Mamadu Jara

Pedamu» ye poroze ye min ka baaraw nesinnen don sew marali ma, kumasurunya la kamanmanfen narataw bee : sew b'olu-la, ani kamiw ni tønkønøw ni jenentuganninw. Pedamu kera sababu ye ka mogò caman kalan se sogocogow, sew ka sisow dilancogo numan, u ka balo dilancogo numan, ani saniya cogoyaw la, semara siratige la, sagan ni waati bee la.

Pedamu ye mogò 34 kalan Jijeni dugu kono, zuwenkalo tile 12, san 2000, ka t'a bil'a tile 16 la. Kalandenw bora Kolokani mara komini 10 kono, ka na fara nøgon kan Jijeni, ka tile 5 ke kalan na, min kera sababu ye ka faamuya caman di sekó kan. Pedamu ka baara do ye ka sesogola kenyereyew kalan baara la; olu fana be yaala. K'o baara waleya duguw kono. Sesogola kelen-kelen bee ka kanka baara ke dugu 5 kono, fo ka se dugu 7 ma, ka sew yiriwa, ani kamiw ni tønkønøw, ka fara jenentuganninw kan.

An be Pedamu nemogow fo, ka nin'u fe, u ye baara min damine, u k'uijia baara in ka taa ne. Ni n ko Pedamu nemogow k'u jija baara ka taa ne, o sababu te doweré ye, ni poroze nana, nemogow b'u yere ta geleya, ka dugumogow ta to yen; o be ke sababu ye ka baara segin ko yoro caman na. Sisan, nemogow be se ka mobili numan damado san poroze ka wari la; hali n'a fora ka negeso san ka di baarakelaw ma, u be negeso damado san, ka soro k'a fo ko negeso ma laboli ke; ka sor'u y'a wari bee dun ! Baara te se ka taa ne.

Minnu be bugudaw la, n'olu be sew sogò, n'olu ka cogoyaw ma nenabo, poroze be se ka taa ne wa ? O porozew kow be mo kan caman kan, jégew te til'o kanw kan. N'a fora ko baara ka ke ka soro baarakeminen ma dafa, o baara te se ka sabaticogoya si la. Sisan porozew ka baaraw ye dòw be dòlo min, dòw b'a jaana-jaanakan fo.

Jijenikalankerasababuyeanka faamuya caman soro baara taabolo numan na.

Mamadu Jara
Animteri Npeseribugu Masantola

Kayi mara mogow te bataki ci ka caya

Samiye damine tun geleýara anw fe yan, k'a sababu ke sanjiko ye. Nka utikalo la, sanji ye waati bee ke nali la. O bolen yen, ne y'a jatemins, Kayi mara mogow te bataki ci «Kibaru» ma ka caya, i n'a fo Segu mara ni Sikaso mara, ani mara tow b'a ke cogo min na. Ola, ne b'a nini Kayi mara mogow fe, u ka duguw kunnafoniw seben k'u ci Kibaru ma, i n'a fo tow b'a ke cogo min na. Kita mara la, dugu naani de be bataki ci. Olu ye Sitantumu, Danbanna, Moromoro, ani Maréna ye.

Maman Keyita
Sitantumu Kita

Fenjenamaw ye samiye damine geleýa

Ninan samiye damine ma he anw fe yan kosebe Monipebugu, k'a sababu ke tinenifén dòw ye. N'i ye danni ke tile fe, sanni dugu ka je i b'a soro jinew y'o bo ka ban pewu.

N'i ye pøsoni ke nosi la, ni jinew ma se k'a bo, n'a falenna, ntønw b'a shiyen tige. Anw ma tilada y'a ko la. O temenen ko, mogò minnu ye danni ke zuwenkalo la, olu de kera suntigiw ye.

Babé Ture
Beledugu -Monipebugu

Denmisenninw ma kan ka bila sitomø na

A be san damado bo bi, anw ka kungokonosiw be den kosebe. Nka ney'a kolosi, anw musow be ko do ke, o man ni de ! O ye mun ye ? San o san, ni siw denna, anw musolakaw be musomanninw bila sitomø na kungo kono, minnu si be san duuru, san wolonwula, walima san segin na.

Waati do be ke, o b'a soro bin tura; furatu be dibi ka don nøgon na; wa kungo fan be ke dibiba ye. N'a fora k'o waati la, denmisenninw ka taa sitomø na kungo kono, o ye fen ye min ce man ni !

Fo jatige b'u mine; dòw be tunun kungo kono. Ne be wele bila musolakaw ma, nin walejugu be ke yoro o yoro la, an k'an jija k'a dabila.

Konba Jara
Musokuntigi Sananko - Negela - Kati

Balikukalan yetile kura bo Malikono.

N'i y'a ye k'an balikukalannaw ye nesoro kunnafoniw dili la, o sababu bora Kibaru ni arajomali la. Sabu, ne yere hakili la, balikukalan ye fiñe kura ci, ka tile kura bo. Mali yoro si te yen bi, balikukalan te yoro minna; a kera bamanankan ye o, walima fulakan, walima kan werew. N'i y'a ye k'i ye kunnadiya soro, a be bo sababu numan na.

Hali k'a dan arajo mogow be taama minnu ke ka taa togodalamogow kuma nogonya, o ye baara ye, min nafa ka bon kosebe, barisa a be ke sababuye togodalamogow ka nøgon lakodøn, ka hakili soro.

Yaya Mariko
Kalabankoro - Bamako

Musotige be be yan sisan

Fen do kelen b'anw bolo geleýaba ye bi, n'o ye cemisenw ka walejugu ye; ka muso furulenw laboli ka taa n'u ye tunga fe. Sann'i ka mogow ka muso furulenw laboli, i yere te do furu. Nifaamaw ma wuli k'u jo niñ ko la, a te ben !

Fajala Danbele Animateri
Sabela Bamafele Bafulabe.

Musoya !

Gundo ni sutura, sègen ani munu. Cesiri ani timinandiya. Du kalamenè n'a lahinèbaga. Denw naanibaga n'u ladonbaga. Jon ko muso te fen ye ? Cebakoro masiri. Fanga kunnabiri. Sogomadoolo. Sanunegenin. Ban-ko-ma ni son-ko-ma. Jon ko musoya ye monye ? Du masiri n'a diyabaga.

Konba Jara
Musokuntigi.
Sananko - Negela-Kati

Hakilijakabo

Nin kera ce do n'a buranmuso ye. Ce taar'a buranna na; buranmuso ye degé di buranke ma, ka galama dayelebali bil'o kan, ko buranke ka degé min n'o ye. O be min cogo di ?

Jaabi

Buranke be galama di denmisennin do ma ka t'o di buranmuso ma, k'a ka ji do ke galama kono, k'a bëna ke degé la. Ni buranmuso ye ji ke yoro min fe, buranke be degé min o yoro fe.

Yakuba Samake
Tasonna Bila

Fura nanbaralenko dabora kasaara cayali de kama

San 2000 Mekalo tile 17 don, dijne keneyakow bolodali jekulu mogoo faamuyalenw ye nogon soro furaw dilancogo cayaliko kuma kene kan, k'o joyoro dantige banaw kelleliko ni hadamadenw keneyalikola. Akunben kera Suwisi jamanaw dugu do de kono, min togo ye Zenewu, n'o ye dijne keneyakow tonba «OMS» nemogoso sigiyoro ye.

A mogoo faamuyalenw bora dijne jamanaw bee kono, ka masor'a fura nanbaralenko kunko be bee da la, a jore be bee la, a negan n'a segen be bee kan, a kasaara barika ka bon yoro bee la, hali ni do w ka fisa ni do w ye. O cogo la, u y'a jira k'a ka jugu desebagato jamanaw kono, n'o ye Afiriki ni Azi jamanaw ye, ka teme Eropu jamanaw n'a to w bee kan. Uk'o sababu ye kodonbaliya wali kalanbaliya de ye.

U benna fen min kan, n'o digilen b'u la, o ye k'u ka kolosi bor'a kan ko fura nafantan minnunifura nafamaw bolen be nogon fe, nka u dilancogo te kelen ye, olu de ka ca jamanaw kono, olu de be soro yoro bee la duguw kono, mogow b'olu de san k'o sababu k'u songo nogoyali ye ni fura lakikaw ye. U k'o fura minnu te mago kise kelen ne banabagatowy, n'ub'ubana yere ka t'a fe, olu dilanbagaw t'u dilan mogow keneyali kama, u b'u dilan mogow fagali de kama.

U ko mogow b'a furaw ta bana minnu keneyali kama, u t'olu keneyakow nka u be bana sidonbali do w far'o banaw kan, k'a banako to ke dabalibanko ye banabagato n'a somogow bolo. U y'a jira ko dilankuntogofbalimin b'a furaw la, n'o ye nafoloko ye, o de b'a ke jigilatigeko ye, min digilen b'u la, n'a kelen be ka dijne bee tooro, k'o sababu ke furako boli ye keneyako bolo kan, k'a bila natabayako bolo kan, ka

hadamadenyako bee b'a la. Okora ye nafolo diyagoya niniriye, hali nifagali b'a la. O siratige la, u y'a fo ko sariya fen o fen tara jamanaw kono, k'a damine warisara la, fo ka se kasoladon ma, olu ma fosi b'a furako la, ka masor'a furajagolaw be surafen di yoro bee la, walasa k'u sago soro, n'o y'u ka furaw ladonni ye jamanaw kono.

O cogo la, uy'a jira ko ni jamanaw ma wuli ka fara nogon kan, jamanaw kelen si te se ka fen ke, min b'a furaw ladonni n'u feereli bali duguw

bolonkononaw na. O b'a jira k'a sabatira ko mincogo sorolen ta la yoro si dijne kono. O cogo la, u benna fen min kan, o ye furadilannaw, furajagolaw ani keneyakoy tigilamogow ka mogoo sugandilenw farali de ye nogonkan jekulu kelen kono, min sigira walasa ka mincogo sor'a furako la. U y'a fo k'u hakili la, hali n'o ma k'a dabilakun ye, o be se ka ke sababu ye, a furatigiw ka hakili numan soro, ka keneyako jore ni nafolokow ye.

A bora «OMS»
Amadu GANI Kante

Jabibiseneko geleyara Benen cikelaw bolo

Benen jamanaw jiridenforotigi minnu be jabibi senet, n'o ye anana ye, olu kelen k'a men ko Eropu jamanaw ka kelenya jekulu ko k'u te jabibi san tugun, min furakelicogo ma k'u sago dantigelen kura ye, udabalibanna. U murutira, k'u m'o furakelicogo kura wajibiyali faamuya, ka d'a kan ko ni fiye tun b'u ka jabibiw la, olu feereli Eropu jamanaw kono, o tun te bo san na, ka san soro. U ko k'u y'a don k'a degun t'olu doron kan, k'o de kama u ben'u nogonnaw sirataama Kodiwari, Kameruni ani Gana jamanaw kono walasa u ka benfen kelen kan, ka kan kelen fo, ka mincogo kelen sor'a jabibiko la, min geleyayoro bena ke furakelilan kura sorocogoko n'a sansongoko ye. U y'a jira ko farajew jolen b'u bee mago salisen de kan, k'o de koso u be k'u bila baara min na, u y'a don k'o kecogo numan se te farafinna jiridenforotigiw ye k'o sababu ke wariko ye. U benna fen min fana kan, o ye sanni nogonsirataamakow ka bila bolokelen kan, u bena feerew tige ka feerecogo nini u ka jabibiw la Benen jamanaw

yere kono ani Afiriki jamanaw to w, fo ka se jamanaw werew ma, minnu te Eropu jamanaw ye. U y'a fo kon'o feerelikow sera ka sira soro, hali ni Eropu jamanaw ma sanni ke, u b'u ka segen sara soro, k'u ka denbayaw balo n'o ye, k'o ka fisa n'u toli ye faraje kelenw ka bolo kan. Do w y'a jira ko nin bena ke olu boli sababu y'u ka bolo kan; k'u n'olu te je fosi ma tugun; k'olu ne b'a ko taabolo la cogo min na, a laban te ke fen werew ye segen nafantan ko, ka d'a kan furakelilan kurako kuma fona nka da ma maga songo kurako kuma la. Olu ko k'u be mogow bila baara la, ka soro ka songo lankolon do sigi, u tena ben min kan. U ko nin bee la, fen min ben'u k'u yere ma horon ye, n'o y'u yere tali ye, o ye jabibi bayelemali izini joli de ye, k'u senbo kokankow bee la. Ubenna o iziniko sabatilicogow kan, k'u jigida u demebagaw kan, jamanaw kono an'a kokan, k'a jira k'u jigida Eropu jamanaw kantugun, u ka jabibiw senelikow n'u feerelikow bee la.

Faransuwa Awudo
ni Amadu GANI Kante

«CESC» y'a jore jira ko san 2002 «KUPUDAFIRIKI» labenni na

Mali jekulu min ka baara nesinnen don soro ni hadamadenyako ni seko ni dongo ma, o y'a ka laje balalen doke, san 2000, setanburukalo tile 4.

Laje in kunba tun ye jekulu kofolen in birosigi ye, nka jorenankoba were soro'a tondenwna, min kolo ka girin ni malidew bce be ka hami n'a ye bi.

O jorenankoba te dwere ye san 2002 «KUPUDAFIRIKI» labenni kominkalifara Mali la, Afiriki ntolatankow nenaabo tulonba «KAFU» fe.

Mali soro ni hadamadenyako ni seko ni dongo jekulu min ye «CESC» ye, a tondenw y'a jira ko danaya min dara Mali kan farafinna bce kono ka san 2002 KUPUDAFIRIKI balontan kubenw laben, fo an k'o danaya minen fa.

U y'a jira ko kumamugu doron te se k'o minen fa. Facogo kelen min b'o la, o ye jamana ka cesiri ni timinandiya ni muju ni bolodijogonma ye ka baaraw ke kene kan Afiriki balontankow nenaabo jekulu «KAFU» ye minnu jini an fe ni «KUPUDAFIRIKI» tanni labenw sirilen du la.

Kalo 16 doron de b'an ni san 2002 «KUPUDAFIRIKI» ce, an dun ne te fen na halisa min b'an hakili sigian ka jamana joyoro faliko la farafinna tulonba labenni kadara kono. O de koson «CESC» ye wele bila Mali farikolonejekow nemogow ma, u ka n'u dantige san 2002 «KUPUDAFIRIKI» baaraw waleyali kan. U ye kuma di mogo fole min ma, o ye farikolonejekow minisiri Adama KONE ye.

Minisiri Adama KONE ka foli la, baaraba minnu b'an ka jamana bolo bi, san 2002 KUPUDAFIRIKI b'olu cema, bawo fadenya baara do don, min kebaliya be Mali ni malidenw bce kunma suuli Afiriki kono. Burukina Faso sera ka san 1998 KUPUDAFIRIKI kubenw laben yoro min na, mun be se ka Mali dese ka san 2002 nognandanw laben. N'a ma ne ko Mali sonna k'a kundon Afiriki tulonba in labenni koro «KAFU» bolo, an man kan cogosi la ka kene tulonba in baaraw la.

Taalen nefe, Adama KONE y'a jira ko jore min be «CESC» mogow la, a b'a kun bo, nka u k'u hakili sigi i ko nomijiranna



Minisiri Adama KONE

moden, bawo faga kinfolo y'o ta ye. A k'u ma, ko Mali ni jamana were si tena je san 2002 KUPUDAFIRIKI la, wa an ka jamana bena Afiriki tulonba in laben fo jamana tow ka nebo an fe. A ko baaraw be ka kolosi su ni tile. O temenen ko, peresidan Alifa Umaru KONARE yere y'a jira ko san 2002 KUPUDAFIRIKI labenni te farikolonejeko baara doron ye Mali bolo, jamana seleke naani bce ka bongola ni yiriwali ni netaa baara do don, min be malidenw bce sendonni wajibya a ko la, walasa bce k'i jeniyoro fin, bawo «mori bce n'a joyoro don misiri la». O de koson goferenamanyefere caman dabali Mali kenyereyew ni magobatigiw ye, sanko minnu b'a fe ka dunanjinsow jo, n'o ye loteliw ye. Dugukolow labilala olu yeani ka wusuru caman bin u ye, walasa uka sek'uniyorolase fasojobaara numan in na, n'o ye KUPUDAFIRIKI labenni ye. Minisiri Adama KONE y'a jeya bce ma ko ni mogo o mogo k'a be gerende siri o baaraw kebagaw la, fangaso b'o tigi nomine, bawo yamaruya ni nogoya bce b'u bolo san 2002 «KANI» baaraw la. Adama KONE ko min ye jamanadenw ka bolofaraw ni deme suguya were ninini ye, fangaso y'a naniya siri folo ka ke misali numan ye bce bolo. O siratige la, a ye sefawari miliyari 60 labila KUPUDAFIRIKI baaraw kama. Otuma a

be min jini jamanaden tow fe, o y'u bolo moono boli y'a nefe, k'u seko damajira ke bolomademekola, bawo dorome 100 man dogo, miliyon 10 man ca. Mali goferenaman ni fangaso be naniyajira jini malidenw bce fe, min se mana ke min ye san 2002 KUPUDAFIRIKI la, o k'o ke. Min ye Mali samatasegew degeli n'ulabenni konuman yentolatann, Mali farikolonejeko minisiri ko goferenaman ye degelikaramogo do to kama ka bo Itali jamana kono, n'a togo ko OROMANO MATE. Sefawari miliyon 60 de bena d'o ma sara ye, walasa a ka se k'an jigi fa. «CESC» ni minisiri Adama KONE tilalen nognon na, u y'u nesin Mali ntolatankow nenaabo jekulu «FMF» nemogow dankan Koloneli Isa JALO ma.

Nka sanni Mali soro ni hadamadenyako ni seko ni dongo jekulu «CESC» mogow ni balontankow nenaabo jekulu «FMF» ciden yamaruyalen ka nognon kumajogonya, minisiri Adama KONE y'a fuye, uka barosenfeko KUPUDAFIRIKI hukumu kono hali n'an ye dije sira numanw bce dilan, ka dije farikolonejeyero numanw bce jo, ka dije awiyonjiginkene numanw bce laben. Mali kono ni samatasegew ma laben konuman, o bce ye fu de y'an bolo.

Minisiri Adama KONE ka o kuma donna «CESC» mogow tulo fe kosebe. U y'u hakili jagaboo k'a faamu ko jamana min ka kan ka KUPUDAFIRIKI bisimila, ni cogoya foyi t'o ka ntolatann bolo, farafinna tulonba te se ka diya o la, bawo n'i y'a men ko dije ka di, i yere de b'a la. O yoro la, baaraba fila min be Mali bolo san 2002 KUPUDAFIRIKI tiimeli konuman na, o ye dunanw bisimilali ye ani samatasegew labenni. An bce dun b'a don ko samatasegew te se ka laben Mali ntolatankow nenaabo jekulu «FMF» ko. O de koson, «CESC» y'a jini ka baro ke ni Koloneli Isa JALO ye, n'ale y'o jekulu kuntigi dankan ye.

Mali soro ni hadamadenyako ni seko ni dongo jekulu «CESC» ye Koloneli Isa JALO jininkia, a ka doonin f'u ye «FMF» ka feere tiglenw kan samatasegew labenni siratige la. U k'a ma ko jininkali

ne 10


Tulon te sebe sa

(ne gnan to)

in t'olu doren haminankoba ye, malidenw bee jorelen don n'an ka ekipu samatasegew ye san 2002 KUPUDAFIRIKI la. A ka jaabi kono, koloneli Isa JALO ko samatasegew ka kannifén min ye folo, oye degelikaramogo numan ye, min faamuyalen don kosebe a ka baara la. Nin sine in na, u y'u nesin italika do ma, n'o togo ko OROMANO MATE. Itali jamana dønnen don kosebe n'a ka balontannaw labenni konuman ye, o de koso «FMF» ka ninini taara bo OROMANO MATE kan. A ye feere min boloda ani ka dabali mintigé samatasegew degeli kama, o waleyali be damine san 2000 setanburukalo la fo ka taa se san 2001 desanburukaloma. Labenwnidegeli suguya caman b'ola Mali kono'an'a kókan, ka nesin samatasegew ma. Badenya ni teriya ntolatanw bëna k'u fe jamana kono ani kofela la. OROMANO MATE ka baara do fana bëna nesin Mali «antereneriw» lafaamuyali sinsinni ma, ka do fara u ka dønniya kan. Koloneli Isa JALO ko nafolo kasabi min bëna don OROMANO MATE ka feere tigelenw waleyali dafe, o be se sefawari miliyari 1 ni miliyon 300 ma. Baro senfe, «CESC» mogow dow y'u hakilinaw jira Mali ntolatannaw latomonicogo kan. U ko n'an t'a fe ka segin degelikaramogo koro Kirisiciyan SARAMAÑA ka filiwan, OROMANO MATE ka laben sinsinbere ka kan ka ke balontannaw ye, minnu b'an bolo koro; o ko, a be se k'olu dafa n'an ka ñanaw ye, minnu be k'u jeniyoro fin jamana werew kono, sanko farajela jamanaw. Olu ka kolosili la, SARAMAÑA y'a sinsinni min ke kókan ntolatannaw kan, o de ye kele tige a ni samatasegew bolo. «CESC» kuntigi Musa Bala KULUBALI n'a ka jekulu mogow tow bee y'a jira ko ladiyalı wari min be di Mali ntolacilaw ma, fen don min te dusu don an ka funankeninw kono, bawo a kasabi jaasilen don kojugu. U y'a nini «FMF» fe, u k'u hakili to la kosebe. Koloneli Isa Jalo y'u hakili sigi ni «FMF» ka ñaniya sirilen ye o sira kan. A ko ni samatasegew ye kuluw ka kunben folow kurutige, Mali ntolatankow ñenabo jekulu ye sefawari 125.000 labila u kelen-kelen bee ye. Ni Ala y'a ke u sera k'u jija ka ye ñana 4 labanw ka kuwabaw kene kan, «

FMF «ka b'u kelen-kelen bëe ladiya ni sefawari miliyon 1 ni waa 50 ye (1.050.000). KUPUDAFIRIKI ñana laban fila ka kunben, ni samatasegew y'o sebaaya soro ka KUPU yalon, sefawari miliyon 5 (5.000.000) labilalendon ukelen-kelen bëe ye.» FMF bolen ko yen, belenintuuri da sera san 2002 KUPUDAFIRIKI labenni jekulu keréenkérénen sigilen ma, n'o ye «KOKANI» ye. Mali soro ko ni hadamadenyako ni seko ni dønko jekulu «CSEC» tun körötolen don mogow min lamenni na, o ye «KOKANI» kuntigi Ibarahima Sori MAKANGILE ye. «KOKANI» ñemogó y'a ñen don a ka jekulu ka baara kologirinw ni ñögönce, k'u fesefese cogoya la, min ye «CESC» mogow bee nimisi wasa, k'u hakili sigi ko san 2002 KUPUDAFIRIKI labenw b'u filanidebe la Mali kono. Nk'a ka kumakan ceni ma se ka «CESC» tøndenw bali u dakonogese ñininkali la, u te se ka ñine min ko abada, n'o ye baaraw banni ye ka ben ni Afiriki ntolatankow ñenabo jekulu «KAFU» ka sarati ye. O jore b'a kun bo, bawo an ni san 2002 KUPUDAFIRIKI to ye kalo 16 ye. Mali denw dun ne te fosi la kene kan, min b'u d'a la, ka siga b'u la. Ibarahima Sori MAKANGILE komalidenw te min kalama, o ye «KANI» baara kologirinw tilako 100 sigiyoroma 30 waleyali ye dugujukoro, mogow ne te min na. Hadamaden da ka gelen fen na, a ma min ye, ka mag'a la. «KOKANI» k'o de koso a be malidenw hakili la ko no te ka bo KUPUDAFIRIKI baaraw la Mali la. «KOKANI» peresidan tilala ka duguw ka baaraw tereme kelen-kelen, KUPUDAFIRIKI kunbenw bëna ke minnu kono. MAKANGILE ye «CESC» mogow ladonniya ko Afiriki tulonba in dayeleli n'a datuguli tulonw ni gintanw bëna ke farikoloñenajeyoro min na, n'o togo dalen don marisikalo tile 26 la, min n'a koro be ñögöna maliden hakilimaw bee bolo, k'o yoro baaraw be ban pewu ka bën ni san 2001, awirilikalo ye.

«CESC» mogow y'u ka jore jira shinuwa jamana kenyereye ciyakédaba «KOWEKI» ka layidutimeli kan san 2002 KUPUDAFIRIKI baarawsaratikola, bawo maliden minnu b'u bolo, olu ye baara lajo sine caman k'o sababu bo u bënbaliya la



«KOKANI» kuntigi
Ibarahima Sori MAKANGILE

sarakola: Usirannen don, n'o ñögöncere tena ke. MAKANGILE ko «KOKANI» be ka shinuwaw ka baaraw kolosi, k'u segesegé su ni tile. A ma d'a la min kera, n'o na se fila.

«KOKANI» kuntigi y'a jira ko waati ni waati u be to ka baara kelenw dantigé Afirikintolatankow ñenabo jekulu «KAFU» ye, ka shinuwaw hakillajigin saratilabatoli la. Ibarahima Sori MAKANGILE ye «CESC» ladonniya «KAFU» ka ciden yamaruyalénwalila Mali kono, san 2000, nowanburukalo nata, walasa ka n'u ne da baara waleyalenw kan KUPUDAFIRIKI kadara kono.

«KOKANI» peresidan y'a sinsin san 2002 KUPUDAFIRIKI labenni baaraw musaka kan, min kasabi ye sefawari miliyari 60 ye. Musaka in kolo ka girin cogo min na, Ibarahima Sori MAKANGILE k'a man kan cogoyasi la maliden hali kelen ka to ko nin fadenya baara la, bawo a be fo ko ni mogó faden y'i dan tulon na, a b'i dan sebe fana la. A ka jemukan laban na Ibarahima Sori MAKANGILE ko «KOKANI» ye feere ñenama do boloda, walasa arajow ni telewison ni kunnafonisében tow bee lajelen ka jamana tonkon naani bee ladonniya san 2002 KUPUDAFIRIKI baaraw tiimeli konuman kan, k'a nini ka bee bo kunpan ni hamni jore la.

Basiriki TURE.

«KAFU» jigilnna JOLIBA kan ni barika ye

Hakilijigin na, san 2000, mëkalo 28, Mali ntolatanton nana do, n'o ye JOLIBAye, oni Tinizintolatanton nana ESIPERANSI y'u kogo da nögön na Modibo KEYITA togola farikoloñenajeyoro la Bamako.

Kunben in senfe kasaaraba do wulila ntola jaratigebaga sababu la, n'o tun ye Benenka do ye min togoo ko Koja KOFI. Jalakijumen binna jaratigebaga kan malidenw fe ? Bi 1 min tun ka kan ka se di JOLIBA ma, u y'o nini u senw n'u bolow bee la. Balontan to tora sanga 6 ye tuma min na, JOLIBA funankeninw y'u sigi ESIPERANSI ka joda la. Sanga 90 nan, MALATINI y'a yere fili ESIPERANSI ka jo kono, ka balon kerun n'a kunkolo ye. Modibo KEYITA togola farikoloñenajeyoro mogow bee wulila nögönfe ko biii !!! Nka jaratigebaga Koja KOFI y'a to kene cemance la yorjan, ka file fiye ko MALATINI y'o bi don n'a bolo ye. Hali a tun kan'a ke, bawo a ka wale in nana ni tijeni minnu ye, an y'olu bee tereme aw ye, san 2000, zuwenkalo «KIBARU» kono.

Hakilijigin na tuguni, Mali ntolatankow jenaboo jekulu «FMF» sekeretari Zenerali Tijani NANBELE nininkalen kunnafonidilaw fe an ka jamana nangicogo kan Afiriki ntolatankow jenaboo jekulu «KAFU» fe, a y'a jir'a ka jaabi kono ko siga t'an nangili la, nka min y'a juguya n'a girinya ye, o sirilen don balontan jaratigebaga ni «KAFU» ka ciden yamaruyalen ka nesfisiben kono kow la. N'u y'a lakali k'a juguya, nangili te dan JOLIBA doren ma, Mali yere b'a ta soro a la.

«FMF» sekeretari zenerali Tijani NANBELE ka korofo in sementiyara, san 2000, utikalo tile 31 «KAFU» ka laje do senfe. Afiriki ntolatankow jenaboo jekulu ye JOLIBA sen bo «KAFU» ka kubewneeb la san kelen jijalen kono. Taalen fe «KAFU» ko tuguni hali ni JOLIBA gosau ye balontanw na Mali kono nangili in kofe, u ka ntolatan si tena ke Bamako san

kelen mumé kono.

Jangili kadara kono halisa «KAFU» ye alamani bin JOLIBA kan, min kasabi ye sefawari miliyon 3 ni tila ye. O m'u be, u ko ni JOLIBA ka nin wale nögön were kera an ka jamana kono, Malintolatankow jenaboo jekulu «FMF» yere bolo be bo Afiriki balontanko baaraw bee la, waati kuntaala kono, u bëna min boloda. «KAFU» y'a diagoya JOLIBA kan, a ka jaratigebaga Koja KOFI ka furakeli warilasegin a ma, n'o kasabi ye sefawari 48.720 ye, bawo a jirala ko JOLIBA mogow bolo ser'a ma fo k'a jogin. «KAFU» y'a wajibiya Mali kan a ka warikofolen ninnusara joona. Jaratigebaga y'a jir'a ka sëben kono kono JOLIBA balontanna 3 n'o ye Isa TARAWELE ni Malali NJAYI ni Gawusu JALO ye, k'olu y'a bolokurun fo k'a je kelen jogin. O yoro la, Afiriki ntolatankow jenaboo jekulu y'o ntolatanna 3 sen bo «KAFU» ka balontanw bee la kalo 24 jijalen kono, k'a damine san 2000, zuwenkalo tile 18 na.

JOLIBA ka kasaara in kolo sera Mali bee ma. Nin de kama, a be fo k'an k'an

yere tanga balawu ma, bawo i b'a damine don, nk'a bëna laban fén o fén na, i t'o don.

JOLIBA n'a ka balontanna 3 kofolen minnu jangira, u si tén a ye Afiriki kubebaw la fo san 2002 «KUPUDAFIRIKI» ka temé, min jangondanw labenni kalifara an ka jamana la. JOLIBA be cesiri min na a ka ton ka netaa la o te dëconin ye, nka «KAFU» ka jangili ninnu bëna fiye belebele bila o baara kologirin na. Kangarigelen minkakanka da JOLIBA ye, o y'u bolodali y'u dusu kan, n'o te u ka dantemé wale tén a dan u doren ma. N'a tora tan, Mali ntolatannaw bee b'u ta sor'a la. A dun ma dab'o kama, «KAFU» be k'ujatemine kosebe u ka baara juguw la ntolatanko la. A misali dòw ye u ka Céckébagéba Céckébagéba BAGAYOGO ni Karunga KEYITA nangili ye «KAFU» fe san 1977 ni san 1981 ni 1983.

JOLIBA nemogow ka kan k'a nini u ka mogow bee fe u ka sabali, bawo ton te se ka dawula ni togoo ni mandiya ni nesoro k'a to sira jugu kan.

Basiriki TURE

TULON

Nin desen fila dilanbaga y'a dab'a kama, ka fili 10 k'u la. A'y'olu nini.



Cekrdbabu tluofara. 8 - Kuli kun kelen. 9 - ja min be ififtura kan. 10 - Sagadenin da.
4 - Kabasun min be numman fe. 5 - Duloki negen. 6 - Kabas sun min be kinin fe. 7 -
3 - Bantula min be kun na. 2 - Cekrdbabu nukala nuggulen. 3 - Sagadenin sen kelen.

jaabi

Samatasäge mankanw ye setanburukalo tile 22 ke nisondiya la Bata



San 2000, setanburukalo tile 22, Mali samatasäge mankanw ye jamana ka horonya ni yereta ni danbe seli ke

nisondiya ni sewa kono, Gine-Ekatoriyali.

Tuma min na malidenw be gintan

suguya bee la jamana tonkun naani na, Mali ka yere mahoronya sanyelemaseli kunben kadara kono, o waati kelen na samatasäge mankanw tun be katabaanani na n'u filanw ye Bata dugu kono, n'oye Gine-Ekatoriyali galodugu filanan ye.

Ntola daminenka sanga 17 soroyoro min na, samatasäge mankanw ye Gine-Ekatoriyali ka celu lamaga ni bi 1 ye, min ma seka bofoka taa balontan ban. Waati do nana se ntola jaratigebaga y'an ka funankenin kelen gen. O la, u mog 10 y'u disi da Gine-Ekatoriyali denmisew ta la.

Otemenenko, jaratigebaga ye penaliti kelen di Gine-Ekatoriyali funankeninw ma, u ma se ka min ke bi ye.

Basiriki TURE.

Tinizi ben'a wasa don san 2004 KUPUDAFIRIKI labenw na

San 2000, setanburukalo tile 5, Afiriki ntoalatankow jenaboo jekulu «KAFU» ye san 2004 KUPUDAFIRIKI labenni kalifa Tinizijamana la. Tinizi sugandira kalafili senfe, min da diyar'a la. Kalafili in kera Misirajamana faaba kono, n'o ye Keri dugu ye.

Tinizi ye jenaboo Zinbawé kanani Zanbi ni Malawi jelen. Min ye Benen ni Togo fila ka je ye, olu y'u sen bo sanni wote ka damine.

Tinizi ntolatankow jenaboo jekulu kuntigi Selimi SHAYIBUBU y'a jira ko san 2004 KUPUDAFIRIKI kunbenw bëna ke Tinizi dugu 4 kono, n'o ye Tinizi ni Susi ni Sifakisi ni Bizeriti ye. Tinizi ntolatankow jenaboo jekulu «KAFU» y'u bila mine min kono.

U ye foli ni tanuni lase «KAFU» tondenw ma, minnu wotera u ye. Hakilijigin na, nin t'a siye folo ye «KAFU» ka KUPUDAFIRIKI kunbenw

ke Tinizi. Tinizi y'a wasa don san 1965 ni san 1994 KUPUDAFIRIKI labenw na, nka jamana in ma deli, ka Afiriki negeba yalon hali siye kelen.

Feeere min bolodalen don Tinizi fe san 2004 KUPUDAFIRIKI hukumu kono, o yefarikolonenajeyoro 6 labilaliye Afiriki janaw ka kuwabaw kama dugu 4 kono, minnu kofolen don sanfe. KUPUDAFIRIKI kunbenw bëna ke kene minnu kan, o sigiyorow hake be 60.000 ni 20.000 ce. U y'a jira ko san 2004 kunbenw kadara kono, farikolonenajelaw ka dogotorosoba do bëna jo ani joli segesegyero ba kelen, balontannaw bëna laje yoro min na, n'o y'a sorodorigu t'u joli la.

O kun ye ka mogow bo jogon na, minnu b'u yere kalama ani minnu t'u yere kalama balontan waati, n'o ye dorigutalaw ye. Dorigu ye nisondiya fura de ye min be hali desebaato keneya, k'agalabu ke negeden ye sanni waaticce. N'a b'i kono, i'ta don segen ni dimi ye fen min ye.

A jirala ko farikolonenajela dòw b'o ta jogondanw senfe walasa u ka se sor.

Fen dun don, min konen don. Tinizikaw dønnen don kosebe n'u ka dunabisimila ni gintanw labenni ye. Osiratige la san 1994 KUPUDAFIRIKI labenni kojuman sanujala dir'u ma, hali n'u ma se ka negeba yalon, n'o ye «KUPU» ye. N'anma fili, samataségew de folo y'u t'u tege ma, ka kuru 2 ni 0 kar'u la.

Basiriki TURE

"AMAP" kuntigi
Gawusu DARABO
Mali kanw kunnafonisbenw
baarada kuntigi
Nanze Samake
Kibaru
BP. 24 Telefon: 21-21-04
Kibaru Bugufiye Bozola
Bamako - Mali
Dilanbagaw ni sebenbagaw kuntigi
Basiriki Ture
Sebenbagaw kuntigi
Badama Dukure
Labugunyoro: Kibaru gafedilan baarada
Bolet Hake 16.000